


JANKAUSKS JUOZOS



Éivu kraus...

Éivu kraus tekijé ir viel
Mon per veida, ronkas ir akis,
Ir krešlejé mona šerdie
Mieneséinas skaistos žiburys.

Sméga žéidlape i žemé gélee,
Daužies, plaké, neréma šerdés.
Balts kraus tekijé baltaa
Pro žvaigždieliu šaltas akis.

Éivu kraus nušvéta baltaa,
Po naktéis uns nukluojé takus.
Sužydlejés ménotee trumpaa,
Uns paženkléna mūsa metus.

Mažaa mergaatee

Gana vakara alksnyné vies.
Kéima védorie — maža mergaate.
Mata — saulé skaudontee rauduona,
Kaap dédélie pražydusi agouna.
Anuos veidielis nu palalmas švét,
Pélns vakara rausvū šešiellu.
Ana ronkellem nuor apkabinté saulé,
Palépos unt baltū debesiellu.
Bet naktés neužélgó paopees atslinka
Ir platees sparnaas užkluojé dongo.
Klaus mamas verkdama mergaate:
"Kor saulelē nu monés pradinga?"

Gémiau 1955 metu bolondé 1 dėina Skouda rajuona Barstytiu kaimé. Eiléraštius pradieju rašyté dar besémuokydams Barstytiu védorénie muo-kykluo. Anou bengés, tarnavau kariuomenie, paskiau dérbau Klaipedu, N. Akmenie, Latvéju, Mažeikiūs. Béngiau Panieviežé gildruomeliuoracé-jés teknikoma. 1984 metaas S. Daukonta gimténie, Kalviūs, padariau Pabriežas Jorgé oužouléné skulptūra. Po tuo Skouda rajuoné eso padarés ér daug medé skulptūru.

Nu 1971 metu bénndradarbiaujo Skouda rajuona "Mūsa žuodé" laikraštie. Če bova išspausdinta nemažaa mona kūrybas. Ana yra skelbta ir "Muoksleivie", "Klaipedu" Latvėjés laikraštie "Kuras laiks". Paskotē-nees metaas gyveno Barstytiūs. Eso tautuodailininks.

1994 metu kuova 23 dėina

Opés žvaigždiū

Tek opés žvaigždiū mona longé, kaap tek!
Debesū anuos krontaas švelné, balté.
Tén, pri méska tuoléj, mienou veida mazguo,
Tuos opés žvaigždiū švélsemé vondényné.

Tek opés žvaigždiū vésa nakti, kaap tek!
Mérg ana akjes debesoutaas krontaas.
Aš matau: anuos dogné tievs péiva šélnau,
Mérés rodéné nakti, apipinta žalbaas.

Ir ryškie dongou tuokés pradalges joudas,
Tén véina, tén kéta — pro žvaigždés.
Uns šélnau dogné tuos opés be gala,
Ir ta péiva tuoléj nusitees, nusitees...

Tek opés žvaigždiū mona longé, kaap tek!
Mérg ana akjes debesoutaas krontaas.
Aš matau: anuos dogné tievs péiva šélnau,
Mérés rodéné nakti, apipinta žalbaas...

Rodéni merosem

Lytos nopllové suodna našta,
Uns šllaužé šakuom per vésa élga élga nakti,
Tekijé člorkšllem šaltuom vondou kamienaa,
Ir gesa dongou žvaigždile, kaa tau šerdés nostojé plakté.

Unt žemés, suodus sava našta lénké
Ir vérta medis, žalba nokérsts ont lauka jouda.
Mienou i žemé pru šakas paveziejé
Kaap Tava veids nomérosé beatruoda.

Uns veiziejé pro longelé krašta,
Pagluosté Tau petius ir pabučlava kakta,
Paskou per debesis i suodna noréitiejé,
Kor šllaužé šakuom lytos ir nieks nellüidlejé.

Gimténés žiburys

Bočiou vies žvaigždelé, bočiou...
Aš nemélgto šlou nakti, nes deg šerdile gimténés žiburys.
Véršunie méska mienou plevesou,
Notuoldams tuolyn, bet greetaa viel sogryš.

Atménno, kaap liuob korté mama ognelé —
Praželusl, sena, kaap ta pražydusi laukéné vuobélés.
Ir plakles asluo maža rausva švélselé —
Senuo truobuo liuob élga nekesté gimténés žiburys...

Eso suotos

*Eso suotos tiktaa gimténés žédéné ognéis karštio,
Kaa plaikstuos atšvaistaas ana ont sélnu ir grindū,
Kaa gryžusi muni anuos šéloma kaap vyns apsvalgén
Ir aš pajunto tékraa, ka gyveno.*

*Eso suotos tiktaa gimténés kambariū ramybė, jaukomos.
Anūs aš pu blški grimsto grimsto i atséménemus,
Anūs tebegyvenontés aš sutinko vésas dvasés,
Ir léngvaa teep kviepouté daruos mon.*

*Eso suotos tiktaa gimténés dongo ir douna,
Laukaas, mēškaas ir myléma kalba če gyvenontiu
žmuoniū.*

*Kétor aš svetéms, tiktaa atklydielis pakeleivings,
Ir tik savam krašté jautous sava tarp savū.*

*Aš džiaugous, ka dar aš galio apkabinté
Brongiausí žemle žmuogo — muotina.
Ana monéi vénina tiktaa pasaulie,
Ana monéi pati geriausé. Muotina...*



*Iš po naktéis pražéla sens suodnos:
Anou pūgas užverté gélío gélío snéigo...
Vežledams i anou aš negallo neségrauidinté —
Anamé praéjusius vésus metus aš matau.*

*Ir save, ir tuo sena suodna,
Kotros po naktéis apsidéngé šarma.
Ne vénus, né vénus uns kuožnaas metas teep apsédara.
Karto so anou ir mona poušas galva.*



*Brendo laukaas. Tuoléj tuoléj beržyns balts raust,
Kaap nedrousi marté uns stuov véninmarškinis po naktéis...
Žala karvelé šalta dongo lėižovio unt kalna laiža,
Kabinidama ragaas už balta debeséls.*

*Monéi saulés dorklaa pro šakas gélél širdyn sosming,
Aš sužeists dabar ir sledo ont akméns.
Šermokšniu ougas ont žemés tylee laš
Ir vélga lūpas gryžosé rodéns.*



*Svetor éiškuojau sau Tlevynés,
Bet niekor anuos aš neradau.
Kažkuoks tik balsos sekdamas kartuojé:
"Nerasté anuos svetor, vaikieli, tau".*

*Svetor éiškuojau aš sau meilés,
Palékés myléma sava krašté.
"Vaikieli, svetéma ténaa ir meilé", —
Kartuojé balsos sekdamas muni.*

*Svetor nebūs ir numérté vétas,
Apžels téni kaps užmarštéls žuoliem,
Unt anuo juoks paukštielis nenuories notüpté,
Tén nieks Jūsa nevadins žmuonim.*

SKÉRO VACEE KUSAITEE

*Neužmégso. NikAAP neužmégso
Pakol mienulis, tvéskous aukštaa,
Monél pru longa sava šypsena ruodys,
Atrétlejés nu mēška, kor méligt laukaa.*

*Neužmégso. NikAAP neužmégso
Pakol žibles apsnégusi žemé sédabro.
Jau senee vésé tékrausee méligt,
Tiktaa užmégte aš nikaap negallo.*

SKÉRO BRUOLIOU ANTANOU

Tén, tuoléj, malūns ūžé

*Tén, tuoléj, malūns ūžé
Ir malé grūdus vésū.
Onkstéj rytmeti vyraa prikruové
I vežéma dédllausiu maišū.*

*Ir, netardams žuodliu, isteda
I vežéma, pélna naktéis.
Šélta tleva méléné sermiega
Aš élgaar dar jautiau unt petéis.*

*Ir tamé snaudolie monéi ruodies,
Kad važluojem per dongo žvaigždleo kello.
Vo dardiejéms ratu be gala vélnuods
Mégdē sava žuodlio tou patio.*

*Gal nuoriedamé kieli pastuoté,
Seké mumis tomsé, baugé mēškaa.
Tonkumynūs gélūs paséklydé,
Švítéé blausee žalsvė žeboree.*

*Ir pru tleva uždleta dédélé keporé
Aš matiau biegont kieli šonello iš paskuos.
Ir iš dédelies laimés užsnūdau,
Užlingouts vežéma dainuos.*

SKÉRO BOVOSEM ŠIAURÉS LAIVYNA JŪREIVIOU, PUOETOU IR TAUTUODAILININKOU PUOCIOU VACLUOVOU

Jouda ménés šešieliu

*Pri jūras siota viejee,
Pri jūras baisee šiela —
Nepajotau per triukšma,
Kaap pru muní praejé
Jouda ménés šešieliu
Ir pajūrio nutuola...
Matiau, kaap vlejee draiké
Lyg dūmus anou iš tuola.
Jouda ménés iš jūras,
Išejuisí ont kronta,
Noskéndusíju vielés
Nebova dar ni karta,
Guliejosés télik umžiu
Laivūs aplpustytiū,
Vlejouta baisee nakti
Parejosés neprašytas.
Jau anus kronté užmérša
Kuokees vardaas net šauké,
Tyliūs kapūs tik muotinas
Sūnū dar teblauk.
Iš téni, kor gol kaulaa,
Kor paséteká mértes,
Jūrelviu vielés gryžt
Gimténés aplonkyté...*

(Nukelta i 16 psl.)





(Atkelta iš 15 psl.)



*Gimténés mona myléma gérés,
Ir jús, beržaa pavasaré,
Aš paskutini karta gyvenu jumis,
Aš paskutini karta so jumis gimténie.*

*Neléksio jums aš nikumet kalts,
Išeldams iš žemés krašta.
Tego beržaa senéjee prisimins
Vaikysté mona dar nikou nekalta.*

*Aš gyvenau, Tékraa če gyvenau.
Tegol muni sapnou tuos gérés...
Ne vénas gyvenémbs če tako praeess
Ir gryš paskou děl véskuo tuoks noséménés.*

*Praeen vésks, ir délinū versmie
Viel sava švėisa i tumsybés plokda.
Tiktaa šerdés véina meilé išsineš
Iš šiuo pasaulé balsee balsee llūdna.*

*Aš gyvenau. Tékraa aš gyvenau.
Tegol muni sapnou tuos gérés...
Ne vénas gyvenémbs če tako praeess
Ir gryš paskou děl véskuo tuoks noséménés.*

Mieneséinas kariuomené

*Vésa nakti kariuomené ejé
Mieneséinas švélsljūjū kariū.
Baltas vielevas ryškee spindlejé
Vérš galvū iškeltū.*

*Anas vielevnešee švytiedamé nešé
Spindullū nužertaasees laukaa,
Pru péléis tou balta beržyna,
Sédabrénees stuogaas.*

*Vo platybés tuolyn toštés biega
Pru užmégustus kalmus, méškus.
Ta švélsluoži kariuomené ejé ir ejé,
Nešdama sava vielevas per laukus.*

Jouds angels

*Jouds angels praskréda nakti —
Žemyn kréta sparnū šlamesys.
Anuo šešielis nubiega laukaa...
Ar kas anou dabar bepavys?*

*Jouds angels praskréda nakti —
Bova uns kaap ta jouda naktés.
Tylee uns nuplasnuojé sparnaas...
Gal uns bova kélnuo nuors lémtes?*

JANKAUSKS JUOZOS

*Gal uns paukštis tebova tiktaa —
Juk muojava galingaas sparnaas!
Gal uns angels bova tékros,
Apsivélkés drabužees joudaas?*

*Jouds angels praskréda nakti.
Gera ar bluoga žemé uns nešé kaap paslapti?...*



Skéro Laureckiou Leounardou

*Pélna dongo baltū debesū
Rausvos vakars slep už méška,
Mérg tuolomas élgesingo šaltio —
Neišsaké beržaa dar monéi véskuo.
Tlk ar anéi kou dauglau pasakys —
Metams šlamesi senee atidavé.
Val, kaap trauk šerdés jau sogryžté ténaas,
I išejuisu tou myléma žemé...*

Skéro Muotinaa

Vuobola dalénémbs

*Dalén vuobola pri stala muotina,
Pru longa tvéskont rodéné lélpsnuoms.
Ir mūsa kombarys ramybés prisipélida
Saulleta žalsma švélsuom éluom.*

*Dalén vuobola pri stala muotina
Kaap švēntuoži, apsidariusi baltaa.
Pavargusi ana — matytéis alškee,
Ir baltesné už snélgia anuos plaukaa.*

*Dalén vuobola pri stala muotina,
Susvadindama vésus vaakus krūvuo.
Ir ded meilé, la:mé anéems karto i maža saujé,
Pati dar nieka neturiejusi bornuo.*

*Dalén vuobola pri stala muotina,
Veiziedama tuolyn, i pakraštius dongaus.
Vo metaa, mienesee pru longa riemus plauk —
Gyvenéma ir mértéis kuožnos lygee gaus...*